


Bhaibheri re vana Rinokupai

MuSamariya akanaka



Rakanyorwa na: Edward Hughes
Rakafanidzirwa na: M. Maillot; Lazarus
Rakatorwa na: Ruth Klassen; Sarah S.

Alastair Paterson

Rakashandurwa na: Miriam Furusa
Rakabudiswa neve: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Mitero: Une mvumo yekutora nyaya iyi kana
usinganotengesi chete.

1



"Mudzidzisi! Ndingaita
sei kuti ndiwane upenyu
husingapere?" Murume
akabvunza mubvunzo uyu
aiva gweta, aiedza
kunyengedza
Jesu.

"Ko murairo
waMwari unoti kudii?"

2

Jesu akapindura. "Ida Mwari nemuvakidzani wako," akapindura murume uyu, "Ko muvakidzani wangu ndiani?"




3

Kupindura mubvunzo wemurume uyu, Jesu vakataura nyaya yemurume aifamba panzira yekubva kuJerusalem kuenda kuJericho. Murume uyu akarohwa nematsotsi.



4

Mbavha dzakaba zvose zvadzakakwanisa kuwana kunyangwe nembatya dzemufambi uyu. Dzakamukuvadza zvakanyanya dzikamusiya kuti afe ari parutiwi rwenzira.



5

Sezvineiwo pakapfuura mumwe muprisita. Zvokwadi aizobatsira murume akakuvara uyu. Kwete! Paakaona



murume uyu achibuda ropa, akabva apfuura nerimwe divi renzira.

6

Nenguva isipi maungira etsoka akaratidza kuti pane mumwe munhu aive osvika. Aiva muRevhi, munhu aibatsira vaPrisita mutemberi. Akaenda akanodongorera murume wekukuvara



uya, ndokubva apfuura asina kumubatsira.

7


Pakupedzisira pakauya muSamariya. MaJudha aivenga maSamariya. Vanhu vaiva vakateera Jesu achitaura nyaya yake havana kumbofungidzira kuti muSamaria ndiye aizova munhu



akanaka. Asi akanga akanaka. MuSamaria aiva nehanya, akamira akabatsira.


8

MuSamaria akapfugama, akaisa mushonga zvakanaka nemabhandeji pazvirovondo zvemunhu uyu waaisaziva. Akasimudza murume uya ndokumuisa padhongu rake.



9

MuSamaria akachengeta murume uya usiku hwose paimba yekuzororera yaiva munzira.





10

Mangwanani akabhadhara muridzi wemba yekuzororera kuti agochengeta mufambi uya kusvika avakunzwa zvakanaka.




11

Nyaya yapera Jesu akabvunza, "Ndiani akava muvakidzani kumurume wekukuvara?"



12

"Enda, unoita saizvozvo," Jesu akapindura. Muvakidzani munhu chero ari kuda kubatsirwa. Tinogona kuratidza rudo nekubatsira vanhu vanoda kubatsirwa. Izvi zvinofadza Mwari.



14



Gweta rakapindura, "MuSamaria ndiye akava muvakidzani akaratidza tsitsi".

13

MuSamariya akanaka


Nyaya yeshoko raMwari, Bhaiberi

Inowanikwa muna

Luke 10

"Mazwi enyu anotipa kuchena."
Mapisarema 119:130

15



46



60

16

Nyaya dze mu Bhaibheri dzinotiwudza zvekushamisa kwaMwari
Musiki wedu uyo anoda kuti umuzive.

Mwari anoziva kuti tese takaita zvakaipa, izvo zvaanoti zvitema.
Mubairo wechitema ndirwo rufu, asi Mwari anokuda kwazvo,
akatuma mwana wake, Jesu, kukufira pamuchinjikwa uye
akatambudziwa nemhaka yako. Jesu akafa akumuka, akadzokera
kumusha kudenga! Kana uchitenda muna Jesu uye ukakumbira
kuregererwa anokuregerera zvitema zvako, Anokuregerera!
Achauya kuzogara mumoyo mako. Achagara mauri. newe uogara
maari mazuva namazuva.

Kana uchitenda kuti ichi ichokwadi, taura kuna Mwari uchiti
Mudiwa Jesu, ndinotenda kuti ndimi Mwari, uye makauya semunhu
panyika kuzofira zvitema zvangu, uye murikurarama. Huyai mumoyo
mangu mundiregere zvitema zvangu, kuti ndive heupenyu hutsva, uye
nerimwe zuva ndigogara nemi nekusingaperi. Ndibatsirei kuti
ndikuteerereyi, ndirarama semwana wenyu. Amen.

Verengayi Bhaibheri nekutaura ne Mwari mazuva ese. Johane 3:16

17